

AMMIS

Openbare Leeszaal



O'stad

Alhier.

ANJA 10 - No. 3 Maart - April 1981

Fis. 2.00

Foto: CHECKPOINT COLOR

NOS REINANAN DI CARNAVAL 1981
Srta. MARJORIE FLEMMING, Reina Juvenil
Srta. CONNIE YRAUSQUIN, Reina Grandi
PABIEN

AMISTAD

REVISTA MENSUAL

Imprimi na Arubiana Prints N.V.

Nada for di e revista aki mag worde copia y/of publica pa medio di imprenta, fotocopia, microfilm of cual otro manera cu ta sin permiso previo por escrito di redaccion.


Redaccion: R. Lee
 Propaganda/Fotografo: R. Croes
 R. Croes
 Direccion: Oficina
 AMISTAD
 P.O. Box 611
 Repr. na Bonaire: Sr. Emerald
 George
 Entrejol 153-A
 Bonaire, A.H.
 Tel: 4222

PRIJS DI ABONO

	pa un aña	pa mitar aña
Aruba	f. 21,50	f. 11,50

Corsow, Boneiro y Isla Ariba	f. 22,50	f. 12,-
---------------------------------	----------	---------

Hulanda y Estados Unidos	f. 38,-	f. 19,-
-----------------------------	---------	---------



**SPRITZER +
FUHRMANN**

TISSOT

ARUBA
BONAIRE
CURACAO
ST. MAARTEN
NEW YORK

Si bo ta bai Barranquilla y bo ta pensa di bishita un dentista, bishita e conocido dentista di tur e Antianonan:

LUIS E. GARZÓN
Dentista

Miembro de la Asociacion Odontologica Nacional.

Ta felicita Pueblo di Aruba ariba
18 di Maart 1981,
Dia di Himno y Bandera

100 aña
dunando
servicio



INVENCIBLE

Pa un bon y bunita regalo, bishita:

JOYERIA Y RELOJERIA

**OLGA
VASQUEZ**

Nassaustraat 66 - Aruba - Tel. 22023



Arubiana Prints n.v.

PA TUR CLASE DI TRABAJO DI IMPRENTA

NOS TA SEMPER NA ORDEN PA SIRBIBO

Ta desea PUEBLO DI ARUBA
P A B I E N ariba dia 18 di MAART

Savaneta 117 - Tel: 47686

Carnaval di Aruba so ta Carnaval



Carnaval 27 ta tras di lomba y e temporada di locura y alegria a pasa y manera e rey momo mes ta pidi den su testament, laga nos tur ban traha uni awor ariba asuntonan serio na interes general di nos dushi Aruba.

Tabata bisto cu tur evenementonan Carnavalesco di e anja aki a surpasa y kibra tur e recordnan di pasado, especialmente den loke ta trata e asistencia publico.

Manera nos a skirbi caba, cu carnaval ta den nos sanger y Arubianonan sa con pa prepara y festeha Carnaval tur anja di nobo. Nos ta contento di mira cu anja pa anja, e Carnaval di mucha ta sigui crece y esaki ta nifica cu nos hubentud ta interesa den e futuro di nos Carnaval.

Nos ta aplaudi mayornan, kendenan desde chikito ta estimulando nan yiunan pa tuma parti na celebracion di nos carnaval.

Di henter nos curazon nos ta spera cu entre e maestronan Arubano o estranhero, lo tin algun cu boluntariamente ta cla pa organisa e Carnaval escolar, cual solamente pa un anja a worde teni, cu hopi exito.

Nos ta sugeri na nos gobierno di Aruba, mirando cu aki ta trata di un pilar di nos turismo y cultura pa dedica un dia di estudio especial pa e carnaval escolar y asina

estimulando tanto cierto maestronan como nos hubentud pa hasi algo valioso pa nos Carnaval y automaticamente nos isla.

Segun calculacion di directiva di

PJA-37

PA MAS INFORMACION Y DIBERTICION



**RADIO
CARINA**

97.9 MHZ

TA BO STACION

S.A.C. cu e anja aki e Carnaval ta mes grandi cu e anjanan anterior, cu excepcion naturalmente di e di 25 anja, esta 2 anja pasa, cual celebracion ta dificil pa lubida.

En berdad no tabata tin hopi gruponan luhoso, pero esaki no mester ta e caso tampoco, pasobra por ser bisa cu e gruponan tabata bon representa y cu nan disfraznan tabata hopi bon prepara y acaba.

Delaster un grupo pa comico y chikito cu e por ta a percura cu nan disfraznan ta na ordo. Esaki ta un bon senjal pa nos Carnaval, pasobra awor tur grupo kier destaca. Nos no mester lubida cu Carnaval ta alegria y gozo y e anja aki nos por a ripara esey den e parada, pasobra no tabata tin bodypiecenan y headpiecenan grandi, cualnan hopi biaha na co-



mienso di parada ta worde usa, pero despues mei-mei o na final di e parada ta resulta bandi di caminda o den man di otro persona.


E PRIJSNAN DI E BANDANAN TA E OBSTACULO DI MAS

GRANDI PA E GRUPONAN

Diferente lidernan di gruponan cu no a participa a declara cu e problema di mas grandi pakiconan no a tuma parti e anja aki ta e prijsnan barbaro y halto cu e diferente bandanan ta pidi pa un toca den parada.

E prijsnan ta varia di 3.000, 4.000 te 7.000 florin pa toca y naturalmente esakinan ta dificil pa worde paga.

E anja aki nos por a ripara cu tabata tin dos grupo cu a trece un cambio y a usa un discotec, esakinan ta Trappers Club y Soca Baptist cu a demostra cu e sonido di un discotec ta mas zuiver y efectivo y tog menos costoso. E grupo Soca Baptist cu un discotec hasta a sali premia como e grupo mas anima di



C.C.A.M. COMPANY N.V.
(ANTES SWISS SHOP)

PA TUR BO CONSTRUCCIONNAN Y WELDERMENTO

Director: Casper Kunfermann
Direccion: Paradera 45-A - Aruba
Telefoon: 23432



**PABIEN PUEBLO Y
GOBIERNO DI ARUBA
CU DIA 18 DI MAART
HIMNO Y BANDERA**

henter e parada.

Si hubentud y nos pueblo ta baila disco den e mihor discotecanan di Aruba, pakico nan no por baila disco tambe den nos parada di Carnaval?

Nos ta duna tanto Trappers Club como e grupo di Soca Baptist pabien cu nan idea nobo y otro banda bo ta haya musica non stop, pasobra un banda mester descansa un rato, pero un cassette o disco no.

Papiando cu un di e dirigente-nan, cu su grupo no a participa e anja aki, ela bisa nos cu ela haya un bon idea pa otro anja, e tambe lo bai usa un discotec, pasobra cu e mes un placa, esta e 3.000 florin o mas cu e mester paga un banda musical, e por cumpra su propio equiponnan, cu e por usa pa basta anja.

Nos ta spera cu e iniciativa y idea nobo aki cu hopi schoolnan y gruponan, cualnan tabata participa antes lo bolbe tuma parti na nos pa-

rada grandi y yude mantene e di tercer lugar, despues di Brasil y Trinidad.

RUTA

Nos por a tende varios comentari-
onnan cu e ruta ta fantastico, y hasta ta ser sugeri pa laga e parada bai completamente abow rumbo hotel Tamarijn y dj'cinan, termina e parada.

Hopi ta comenta cu ta e biradanan, den cayanan principal ta stroba e bueno marcha di e parada y tambe mester bai contra biento.

Hopi di e personanan cu ta wak e parada den e cayanan principal ya caba a presencia sea den Vondellaan o den L.G. Smith Blvd. Si sigui te pabow ta dificil pa esnan cu ta para den Vondellaan o L.G. Smith Blvd. core bai wake atrobe na un otro sitio.

Na Brazil e parada ta worde organisa ariba e avenida principal

banda di e hotelnan, esta un ruta largo.

Nos ta sugeri na nos gobierno di Aruba, pasobra aki ta trata di algo nacional, pa laga pone sea e palonan di D.O.W. o cabuya, banda di e ruta na unda e parada ta pasa y laga autoridad vigila esakinan pa mantene e grandesa y beyesa di nos parada.

Carnaval no ta di S.A.C. ni di gobierno, pero di nos tur.


Nos ta lamenta tambe, cu tin cierto radio emisora y corantnan cu ta comenta o publica noticianan tuma for di laira, en bes di tuma e molester, yama un miembro di S.A.C. y averigua esaki prome. E comentarionan aki por perhudica e ambiente o interes pa tuma parti na e evenementonan.


Nos ta aprecia y admira radio emisoranan y corantnan di Corsow, cu anja pa anja ta encourasha, apoya y stimula e habitantenan di e isla aki pa sigui participa y engran-

TUMA UN BAÑO FRIEUW DEN BO CAMBER CU UN AIRCO MARCA



 **National**
Room Air Conditioners



 **UNICON**

Fergusonstraat 41
Tel. 23555

Antillian Mercantile Corp.

Havenstraat 52 / Lagoweg 3
Tel. 21804 Tel. 46016


dece nan Carnaval.

Nos ta sigur cu nos 27 anja di experiencia y celebracion ningun isla por gana nos, pero hopi biaha e impresion aki bo ta haya si especialmente bo lesa un matutino di fecha 3 di maart na unda a sali publica solamente puntonan negativo di nos parada y absolutamente nada positivo y esaki nos ta yama kibra nos Carnaval.

Otro cosnan negativo cu nan ta haci ta cu nan ta tuma demasiado ejempl ariba Corsow, y e concurso di tumba ta keda e "Talk of the Town", den tur nan programmanan y nan mester corda cu cada isla cu nan sistema y ambiente. Si tuma nos eleccionnan di Reina, e preparacion banda di caminda pa e parada final, anto nos ta kere cu no tin isla, ni pais na mundo pa iguala nos y nos ta kere cu esaki mester bira e comentario di dia.

Nos medionan di comunicacion mester sa di stimula, tur dia nos hubentud, pueblo pa forma grupo, sea luhoso, comico o kico cu ta pa apoya nos parada, pasobra Carnaval ta di Aruba y cu nos 27 anja di experiencia nos no tin nada di envidia.

Nos no por keda sin accentua atrobe cu **CARNAVAL DI ARUBA**
SO TA CARNAVAL.






CARNAVAL 27 CELEBRA NA UN MANERA GRANDIOSO!!



Carnaval



ta Carnaval



di Aruba so



Partidonan politico di Aruba pabien

Un pabien grandi ta bai na tur partidonan politico di Aruba cu a asisti na e conferencia di mesa rondo.

Aruba a demostra di tabata bon prepara y di tabata e unico isla cu a defende un solo punto di bista y di tabata tin un vocero, sin wak cual partido politico e ta presenta.

Manera nos a menciona caba den nos edicion di luna di februari cu mientras cu e politiconan di e otro islanan pa anjanan tabata na sonjo, nos politiconan si tabata traha y informa pueblo.

Si tin politiconan di otro islanan ta keda insisti cu Aruba mester keda forma parti di e futuro federacion, anto pueblo di Aruba mes mester por huzga cu nos isla ta importante y cu nan no ta desea pa lague bai.

Hopi politiconan Antiyano, especialmente di nos hermana isla Corsow ta declara cu Aruba ta stroba e desarovo economico An-

tiyano y si Aruba kier bai lague bai numa, pero ora y unda nan mester declara esaki, nan ta hacie

net lo contrario.

Nos ta contento cu e derecho di autodeterminacion a worde reco-



His and Hers



Boutique

Ta e salon di bellesa tanto pa homber como muher y pa medio di esaki kier a felicita tanto Reina Juvenil MARJORIE FLEMMING y Reina Grandi di Carnaval 1981 CONNIE IRAUSQUIN cu nan exito logra.

Nos ta orgulloso di por a make-up y peña e dos reinanan aki. PABIEN.



SEGUROSCA



Pa resolve e problema aki,
segura na:
Bo agente di confianza!

**SEGUROSCA
MANSUR
N.V.**

Paardenbaalstraat 8

noce, apesar cu nos por haci uso di dje te cu aki 10 anja, pero esaki ta net e tempo necesario, pa e preparacionnan tuma lugar pa nos futuro independencia.

Un biaha mas nos ta suplica nos politiconan pa no lage interes personal prevalece pero e interes di nos pueblo.

Tampoco mester ta asina cu politiconan ta nenga pa coopera, simplemente, pasobra no ta nan ta sali victorioso o como realizador di e causa, pero aki ta trata di un victoria di nos pueblo.

Demuestra cu nos politiconan si ta usa nan sano huicio y cu aki ta futuro di nos isla ta den wega.

Laga nos para firme pa e segundo conferencia di mesa rondo, pasobra tur politiconan y islanan di Antiyas a haya e mes un oportunidad pa informa nan pueblo.

**Cumpra Amistad
na tempo**



PABIEN

REINA DI CARNAVAL 1981



Un dobbel felicitacion ta bai na **CONNIE IRAUSQUIN** cu el a ser eligi Reina di Carnaval 1981 y especialmente cu su auto nobo **DATSUN 120Y 2-door Sedan Standard**
UN AUTO DIGNO DI UN REINA

TOPCAR

Boerhavenstraat 21

CELEBRACION 18 DI MAART DIA DI HIMNO Y BANDERA



E anja aki nos himno y bandera lo bai celebra su di 5 anja di existencia, esta su prome lustro. E dia aki pa hopi Arubananan cu sentimento patriotico a bira un celebracion o mas bien un dia nacional.

E ta un dia cu no por ser mara y no ta pertenece tampoco na ningun partido politico.

Si antes, pero principalmente na principio tabata tin cierto contra-tiempnan pa motibonan politico, nos ta kera cu esaki ta pertenece na pasado, pasobra tur hende ta con-

tento y orguyoso cu nos tin nos propio himno y bandera, pero principalmente cu nos ta e prome isla di Antiyas Hulandes cu a logra esaki.

Nos himno y bandera ta e simbolonan di libertad y nos identidadnan propio.

Nos ta sigur cu cada ciudadano tin un himno y bandera den su cas y ta warda na un bon lugar, p'asina nan demostra na nan yiu-nan nan baloman.

Dia 18 di maart proximo lo bai tin pa mainta entre 9'or y 10'or e acostumbrado aubade, sigui pa bailamento di sinta, despues nos autoridadnan den un ceremonia especial lo pone diferente kransnan, dilanti estatuanan y grafnan di personanan, kendenan di un forma of otro a contribui cu e desaroyo di nos economia o tambe cu nos himno y bandera. Anochi lo tuma lugar na Juancho Irausquinplein un manifestacion publico, cu baile, canto y actuacion especial di nos gran artista Arubano, Nydia Ecury. Esaki lo cuminsa pa 8.30'or di anochi.

Nos ta spera cu un y tur lo hisa nos bandera na cas y asisti na gran cantidad na celebracion di e di 5 anja di existencia di nos himno y bandera.

Biba nos Himno y bandera, e prome den Antiyas Hulandes.

Ultima Modananan

Aki na Aruba bo ta haya cu tin hopi hende cu no ta tene nan mes na altura di e ultimo acontecimientonan ariba tereno di moda o peinado.

Ta bon pa abona ariba revista nan cu por yuda bo cu esaki.

Ta tristo cu ainda tin mucha hombernan ta cana cu zapatonan cu hilchinan halto cu di hopi tempo caba ta for di moda, mescos ta e caso cu cabe largo pa homber.

Nos ta conosi pa un isla turistico cu tin coneccion directo cu tanto Merca como Europa y nos ta

supose pa sa esakinan.

Ta bon pa nos modistanan y peluqueranan, pero principalmente boutiquenan pa informa nos pueblo ariba esakinan, den un programa o pagina especial sea na television, radio o otro medianan di comunicacion.

Hopi dama y cabayeronan ta cana masha nonchalant.

Mayoria di e cabayeronan ta cana cu lomba dobla, nos no sa si ta bin di compleho o door di cualquier problema phisico, ningun persona ta perfecto y consola bo mes cu bo tambe ta un di nan.



Nos tin camisa, dashie, meya, lenso, bachi y hopi articulo más na prijsnan especial.

TOTO'S

antes

"Mansur Department Store"




ARVEFA

ARVEFA

Arubaanse Verffabriek N.V.
Aruba Paint Factory, Inc.

L.G. Smith Boulevard 144
P.O. Box 297, Tel. 2519
Oranjestad, Aruba,
Neth. Antilles
Cable: ARVEFA - Aruba



MUBLERIA TU HOGAR

Tel. 21371 - 23690

BO POR GANA FLS.3000.00 MANTENIENDO BO CUENTA UP-TO-DATE

SORTEO LO TUMA LUGAR MAART 19, 1981. TUR CLIENTE POR GANA, AUNQUE CU BO DEBE TA DI 9 AÑA BIEUW, BIN CANCELA BO CUENTA OF HACI BO CUENTA UP-TO-DATE.

PUES UN CUENTA ATRASA NO POR GANA E PREMIO!!!

Ademas TUR SUPER-BON-CLIENTENAN ta ricibi 10% di REBAJA riba tur compras a credito y desde awe nos tin 30% di DESCUENTO riba tur compras CASH.

COMPARA NOS PRIJSNAN Y SI NOS TA MAS HALTO RIBA CIERTO ARTICULO, AVISA NOS Y NOS LO REBAJE PA BO.

GOBIERNO HACI ALGO PA EVITA DELINCUENCIANAN CU TA TUMANDO LUGAR

Dia pa dia nos isla, cual tabata conoci pa tabata un isla trunkilo, un paraiso, algo aparte, ta convirtiendo su mes den un lugar peligroso y insegur.

Awor bo no por laga bo cas y auto mas habri, tampoco laga mueblesnan afo, pasobra nan ta horta

CARIB MOTORS



FORD FAIRMONT 1981

Busca di bo na
"CARIB MOTORS"
"FORD"
sinonimo di "Bon gusto"

nan.

Bo no por cana ariba caya of ariba beach mas trunkilo, ni tampoco disfruta di un fiesta priva pasobra tin otronan cu ta stroba bo den esaki.

Nos ta haya cu dia pa dia esaki ta empeorando, sin nos gobiernonan haci algo na dje.

Den tur paisnan di mundotin un ministro, diputado y naturalmente departamentonan pa hubentud, cu ta dedica pa crea actividadnan o yuda den desaroyo di un comunidad sano, pasobra ta e hobennan ta e futuro di cualquier pais.

Aki na Aruba, tin droga na gran cantidad, muher y homber cu ta bebe, pero sin limite, gastamento di placa, ladronicia, prostitucion sin comparacion, atraco y strobacion di ordo publico.

Nos ta kere cu e libertad cu e hubentud tin actualmente ta demasiado grandi y nan no ta prepara pe tampoco, especialmente cu tin

mayornan cu no por hacie o nan no ta prepara.

Pa tur celebracion bo mester di e Champagna di Cerbez



Cambia e bleki y tapanan pa:
REFRIGERADOR
STOOF - TELEVISION
MIXERS - BLENDERS
CASSETTE - PLAYERS
RADIO AM/FM - DOMINO
etc. etc. na

MANSUR EXCHANGE CENTER
Elleboogstraat 15

Un bleki tin e valor di un placa y tres tapa ta valido pa cinco cent. Bo por cambia nan pa vale tambe, te ora cu bo tin e cantidad requeri pa e regalo cu bo ke, of bo por paga pa e diferencia cu falta.

BEBE
MILLER HIGH LIFE.....
SABOREE

y coopera pa tene Aruba limpi



MAS



POR



MENOS

Completamente aireacondiciona situa den Pueblo di Sta. Cruz ta ofrece bo tur clase di FRUTA - VERDURA - COMESTIBLES y CARNI
CUMpra MAS Y PAGA MENOS

MAS POR MENOS ta desea HENTER PUEBLO DI ARUBA
CU E PROME LUSTRO DI HIMNO Y BANDERA

Macuarima 63-A

Tel. 28662

TRADE WIND INSURANCE AGENCY N.V

PA TUR SEGUROS DI HOSPITAL

Entre otro pa 1o GRUPO (Empleados Empresa - Integrantes di DEporte)
2o PERSONANAN (individual)
3o CRIA DI CAS

Pa mas informacion completo Yama Tel. 24990 - 26315 of pasa personalmente na
PAARDENBAAISTRAAT 8 - panoord di D.O.W.



TA FELICITA NOS PUEBLO Y NOS GOBIERNO CU 18 DI MAART DIA DI HIMNO Y BANDERA

Esaki naturalmente ta bira un carga extra pa nos comunidad y nos comunidad na su turno ta eligi cada 4 anja su representantenan di pueblo cu mester bai traha na bienestar general di nos isla.

Nos representantenan t'esunnan cu mester percura pa nos pueblo ta bon proteha y cu tur cos ta marcha bon, pero te cu awe nunca ainda nos por a tende un di nos representantenan bai en detayes y percura nan mes cu e problemanan aki cu dia pa dia ta bira mas grave.

Nos ta kere cu nos gobiernonan mester haci algo anto liher y no lague manera costumber den man di comisionnan cu ta dura lunanan y tin caso anjanan prome cu nan termina cu nan estudio.

Mester bin cu programanan educativo y informativo na radio, television y corantnan, pa muestra tanto nos hubentud como mayornan ariba nan responsabilidadnan con

pa educa nan yiuunan.

Nos ta haci un apelacion fuerte na tur maestronan pa duna un man den esaki, pasobra dia pa dia e situacion aki na Aruba ta bira mas grave y peligroso.

Mi pueblo djis wak rond di bo, anto nos ta sigur cu bo ta di acuerdo cu e articulo aki y cu bo ta cla pa duna un man pa sanear e situacion penoso aki.

MAYORNAN COOPERA

Mayornan cu ta na hartura cu nan yiuunan a comete cualquier delito, sea trafica droga, usa droga, comete ladronicia o atraco, tuma contacto inmediatamente cu instancianan cu por yuda bo, pero especialmente cu nos autoridadnan.

Scondiendo e malo cu bo yiu ta comete, bo tambe ta sali perhudica y nos ta sigur cu ta bo deseo pa bo yiu ta ariba un bon caminda.

Si bo yiu pa un of otro motibo comete cualquier delito pa prome bes, ta bo deber como mama y tata pa mustre su erronan y no acepta loke e ta haci y menos tapa esaki. Pero pone esnan, esta nos autoridadnan na altura, kendenan sigur lo aprecia bo como mayornan responsable y ta nan so por yuda boso yiuunan.

Un biaha mas mayornan no coopera pa boso yiuunan bira delincuentenan peligroso pa comunidad, pero scapa nan for di e mal caminda aki for di tempran.

PUEBLO COOPERA

Bisinja, ruman, mayornan tur coopera, tur duna un man pa evita, robo, atraco, droga, maltrato etc. Laga nos tur contribui pa haci nos dushi Aruba e paraiso di antes, e lugar sigur di cual nos tur tabata orguyoso di dje.

FRANK AUTO PARTS & FRANK CROES CONTRACTORS

PA TUR PIESA Y TIRE PA TUR MARCA DI AUTO Y
TAMBE PA TUR TIPO DI CONSTRUCCION.
STA. CRUZ 124-A — TELEFOON 28071 - 28657 - 47490

Ta desea Pueblo di Aruba y Gobierno
PABIEN cu dia di HIMNO Y BANDERA



E BATAYA CONTRA MARIJUANA

Den e ultimo diez añanan, Merca a pasa door di un aumento di mal uso di droga cu a alcanza proporcionnan epidemico, especialmente entre hendenan hoben. Marijuana, cocaina, barbituario, amphetamine, opium, y naturalmente alcohol ta ser usa awendia door di miles di adolescentenan.

Considera solamente e cifranan ariba marijuana, por ehemplo. Cuarenta y tres miyon Mericano a purbele. Diezseis miyon ta usando e droga aki actualmente. Na 1979, diez porciento di alumnonan di ultimo año den high school (ese y ta

mitar miyon mucha) ta humele diariamente.

Y e edad di muchanan cu ta usa of experimenta cu marijuana ta sigui bira mas joven. Diez-cinco porciento di tur muchanan di 14 año ta usando marijuana actualmente. Cuatro porciento di tur muchanan di diez-dos año. Esnan bao di nueve clas cu ta humele ta redobla den cantidad desde 1972.

No solamente cu tin mas hende ta humando marijuana, pero e marijuana cu nan ta huma a bira mas fuerte. Cinco año pasa e muestra di marijuana cu tabata ser confisca

door di autoridadnan tabata contene menos di mitar porciento di e ingredientenan (activo) T.H.C. (Tetrahydrocannabinol), locual ta produci intoxicacion. Awendia mayoría di e muestranan ta contene cuatro porciento of mas, un aumento di diez vez mas hopi.

Tur esaki a tuma lugar no obstante un esfuerzo masivo door di gobierno na tur nivel pa wanta e ola di marijuana. En general, e esfuerzonan aki a fracasa.

Con ta posible cu Merca por a cai den un desastre asina? No ta existi contestanan facil, pero nos mester busca nan urgentemente pasobra e futuro di humanidad por ta na pendola.

Estados Unidos a haya su mes den e problema aki, y na Aruba tambe e uso di marijuana ta aumentando, pasobra su hendenan a permiti nan actitudnan tradicional y bon estableci y restriccionnan contra uso di droga pa cai den otro. E factornan cu ta tene un sociedad hunto - unidad familiar y disciplina, respet pa gobierno y otro forman di autoridad, un structura religioso cu tabata defini y establece codigonan moral di conducta - tur esakinan a bin bao di ataque di esnan cu ta boga pa permisidad den tur aspectonan di bida. Divorcionan a aumenta drasticamente. Conducta sexual a ser cambia radical-

**linda self
service**



Ta un Supermarket cu tin comestibles di

A T E Z

Pasa awe mes un convence bo mes.

TA FELICITA GOBIERNO DI ARUBA Y PUEBLO DI ARUBA
EN GENERAL CU DIA 18 DI MAART
DIA DI CELEBRACION DI PROME LUSTRO DI
HIMNO Y BANDERA

Bernhardstraat 2-B - Tel. 45284 - 45314

mente. Local a desarrolla ta e generacion del momento, cual tabata demanda gratificacion inmediato a costo di desarrollo y cumplimiento den futuro. Cu esaki a bini un explosion den uso di droga.

Den e caso di marijuana en particular, un gran cantidad di mal informacion a ser duna na pueblo den corantnan y revistanan, door di algun cientificonan cu mester sa mihor, y hasta door di algun hendenan religioso di kende nan liberalismo a conduci nan pa kere cu sernan humano, hasta adolecentenan, tabata capaz di tuma decisionnan huisioso pa nan mes den e era aki cu ta poco conoci y peligroso - y cu pa e motibo aki tur intencionan pa controla distribucion y consumo di marijuana mester worde aboli.

No ta un sorpresa, pues, cu un gran cantidad di mitonan tocante marijuana a haya aceptacion publico. Hendenan hoben a cuminsa bisa otro cu toch e no ta adictivo manera heroína ta, cu e no ta mas malo cu tabaco y menos dañino cu alcohol, co no tabata tin prueba verdadero cu humamento di marijuana ta conduci na dependencia ariba droganan mas fuerte, y asina por sigui.

Como resultado, e ponencianan di hopi tempo bieuw contra e uso di droganan cu ta cambia e mente a cuminsa cai den otro, y esaki ta e situacion cu ta prevalece awe, cu e impacto mas fuerte ariba e generacion hoben. Mericanonan mas bieuw, den nan mayoria grandi, no a experimenta cu marijuana. Pero hendenan jong a tira ariba dje den gran cantidad, parcialmente pa motibo cu nan no ta na altura di e daño potencial, mas bien pasobra nan por obtene un forma di gratificacion inmediato y un ilusion di bienestar djis door di traga s huma di un mata cu por crece casi cualquier caminda.

Ta remarcable con mayornan

preocupa frecuentemente ta mas adelanta cu científico den nan observacion di e efectonan dañino di e uso di marijuana entre adolecentenan y den nan deseo pa haci algo encuanto esaki. E mayornan aki hopi vez tin e mesun preguntanan cualnan ta sigui aki bow y tambe e contestanan:

1. Con mi por nota cu si mi yiu ta huma marijuana?


Si bo yiu ta bisabo cu algun di su amigonan ta huma marijuana, tin hopi chens cu e tambe ta huma marijuana. Presion di e otro hendenan hoben ta potente y duro pa restiti. Si e ta huma hopi, cu mayor observador lo nota cu su conducta ta cambia. Un bon señal ta prestacion na school; su cijfernan ta cuminsa bai abao. E por hala atras, perde interes den deporte of actividadnan cu antes e tabata tin un interes aden. Por tin dificultad den concentracion, un tendencia pa perde ariba, algun biaha wowonan cora, algun vez resto di marijuana den saconan di paña. Pero no tin un solo señal infalible.

2. Mi yiu muher ta bisa cu no tin

acuerdo entre autoridadnan medico tocante marijuana.

Esey no ta verdad. Tur autoridadnan medico ta di acuerdo cu uso di marijuana ta peligroso. Nan ta diferencia un poco encuanto e grado cu e ta dañino. Y e efectonan a largo plazo ainda no ta completamente conoci. Pero ciencia medico a demostra claramente cu marijuana ta un droga peligroso cu ta causa daño na pulmónnan, na e sistema reproductivo masculino y fe-

Algemene Bank Nederland N.V.



Aruba Branch

ACCOUNTANTS EN BELASTING CONSULENTEN

ASSOCIATED ACCOUNTANTS

AND AUDITORS n.v.

18 MAART

DIA NACIONAL DI NOS HIMNO Y BANDERA
PABIEN GOBIERNO Y PUEBLO DI ARUBA CU E CELEBRACION AKI

VONDELLAAN 21 Phones: 23545 -- 23554

menino, na e sistema di inmuni-
dad di e curpa y na e cerebro.

3. Mi yiu homber ta reclama cu
no ta existi un relacion di causa
y efecto entre humamento di
marijuana y ser involvi cu
droganan manera cocaina y
heroína.

BOUWMAATSCHAPPIJ
ARUBA N.V.



Druivenstraat 10

Dakota



Tel: 21275

Si bo ta traha, renoba of drecha
cualquier edificio: mira prome na e
firma cu tin e surtido di mas grandi:
BOUWMAATSCHAPPIJ ARUBA
N.V.

Un estudio reciente a demostra cu
26 porciento di humadornan di
marijuana ta pasa pa heroína of
otro droganan duro, mientras cu so-
lamente un porciento di esnan cu
no ta huma ta pasa pa otro droga-
nan. E motibo ta cu e curpa ta for-
ma un tolerancia pa marijuana y
poco poco marijuana mas y mas
fuerte ta necesario pa produci e
mesun cantidad di placer. E tempo
ta yega cu e humador no ta keda
satisfecho mas, y e ora ey e tenta-
cion ta fuerte pa pasa over pa un
otro forma di gratificacion quimi-
co.

4. Mi yiu homber ta bisa cu su
tata ta bebe y huma. E ta in-
sisti cu marijuana no ta peor
cu esey.

Si dos droga no ta haci un bon,
seguramente tres tampoco. Alco-
hol ta un droga peligroso tambe,
pero fisicamente e curpa ta des-
haci di e alcohol conteni den un

bitter den como seis ora, mientras
cu marijuana ta keda deposita den
e tehidonan di curpa pa periodon-
nan hopi mas largo. E T.H.C. den
un cigaría di marijuana ta keda den
e curpa pa 30 dia. Huma di mari-
juana tambe ta mas dañino pa e
sistema respiratorio cu huma di
tabaco. Testnan a demostra cu hu-
mando cinco cigaría di marijuana
pa siman ta produci mas daño na
e pasahenan di aire cu humando
seis paki di cigaría, y seguramen-
te ta aumenta e probabilidad di
sinusitis, bronchitis, emphysema
y otro malesanan respiratorio. Fue-
ra di T.H.C., huma di marijuana
ta contene otro qumiconan di cual
nan efectonan no ta conoci ainda.

5. Pakico mi yiu lo kier huma
marijuana?


Hende ta añadi na droganan di abu-
so pasobra tal droganan ta duna un
satisfaccion rapido pa motibo di
nan efecto ariba parti di e cerebro

W. Ho Sing Loy

ARUBA VALVE AND MACHINE WORKS N.V.
ARUBA HEAVY EQUIPMENT RENTALS N.V.
GREGORY VAN MEEL PAPER COMPANY N.V.
KIMBERLY VAN MEEL AGENCIES N.V.
SAN NICOLAS, HANDEL MAATSCHAPPIJ N.V.
HOTEL CARIBANA N.V.



PABIEN GOBIERNO Y PUEBLO DI ARUBA CU NOS
PROME LUSTRO DI NOS HIMNO Y BANDERA
DIA 18 DI MAART 1981



na unda e "centronan di placer" ta situa. E cos tragico ta estimulacion quimico di e centronan aki di placer ta pone na peligro e chensnan di e adolescente di desaroya su propio fuentenan natural pa gozo y estabilidad emocional. Una vez un persona bira dependiente ariba droganan pa placer, e por perde e capacidad di responde na e placernan di estimulacion fisico y intelectual.

6. Nos yiu muher ta bisa cu e no ta haciendo ningun otro hende daño ora e ta huma marijuana. E ta haciendo otro hendenan daño. E ta dañando e estructura di su familia. E ta haciendo su mayornan y posiblemente su rumannan tambe infeliz. Si e ta stuur un auto ora e ta intoxica, e ta pone na peligro otro bidanan pasobra su huzgamento y tempo di reaccion ta ser afecta negativamente. E ta expone su mes na posible detencion y accion criminal, y su mayornan na posible demandanan hudicial y riesgo financiero grave.

7. Nos yiu muher ta na estado, pero e ta sigui huma marijuana. Esaki ta preocupa nos.

Bo mester worry - y e tambe mester worry. E quimiconan den marijuana por pasa door di e placenta y alcanza e fetus. Testnan den laboratorio cu cuatro diferente animalnan experimental ta muestra cu tin un incidencia mas halto di aborto y otro abnormalidadnan ora e beshianan aki ta ser duna un dosis equivalente na un cigarra di marijuana pa dia.

8. Nos yiu tabata huma hopi marijuana pa hopi tempo, pero awor a stop. E daño ta permanente? E culpa tin podernan grandi pa curamento, y ta probable cu mayoria - quizas tur - di e daño por ser drecha si bo stop di usa droga awor aki. Toch, bo no por ta nunca sigur cuanto desarrollo mental potencial

por a ser afecta.

9. Nos yiu homber ta argumenta cu ta mihor pa haci marijuana legal cual e ta bisa no ta haci gran daño, y concentra ariba preveni e abuso di droganan fuerte manera heroína y cocaína.

Lo ta un error grave pa legalisa un substancia pasobra e ta relativamente suave. Strafnan mester ta realistico, y leynan mester worde aplica cu uniformidad. Pero si bo ta kita tur restriccion lo bo aumenta e uso di e substancia, no solamente door di elimina e restriccionnan, pero door di implica cu no tin nada malo cu e substancia mas.

10. Kico mester worde haci? Na promer lugar, por lo menos na Merca, mester bin un stop ariba e esfuerzonan pa liberalisa e leynan cu ta concerni droga. Mester di mas forza tras di explicacion di leynan contra droga, tanto local como internacional.

Siguietemente nos mester di inicia programanan di educacion honesto y científico tocante abuso di droga pa reemplaza literatura na favor di droga cu ta ser reparti y bendi abiertamente. Tur medio-

nan di comunicacion social mester tuma parti den e esfuerso aki. Cada school mester di un persona bon informa - un maestro di quimica quizas - kende por duna un discurso de vez en cuando, no pa zundra of critica e alumnonan, pero pa simplemente pa contanan kico ciencia medico sabi tocante marijuana y su efecto ariba e culpa humano y personalidad humano.

Na di tres lugar, mester bin un regreso di e standardnan familiar pa cria mucha. Mayornan mester ta na altura na unda nan yiunan ta na tur momento; nan mester por eherce influencia ariba e amigonan cu e muchanan ta escoge. Mester tin comunicacion di acerca, pa e muchanan por tin confianza den nan mayornan y mayornan mester encurasha nan yiunan pa busca expresion propio den deporte, obranan di man, cursonan cultural y spiritual, en vez di droganan cu ta cambia e mente.

Tur e cosnan aki ta necesario urgentemente pasobra e lesnan di historia ta dolor. Ningun nacion, ningun cultura exponi na marijuana por a laguele bai sin controle y sobrevivi sin daño grave.



POLYRAMA

AUTO PARTS CENTER

S.P.A. 30

Pa tur piesa original di CHEVROLET

Ta felicita su clientenan y PUEBLO ARUBANO

RIBA E DIA DI HIMNO Y BANDERA





DIA 18 DI MAART DIA CU NOS HIMNO Y BANDERA LO CELEBRA NAN DI
5 AÑA DI EXISTENCIA — NAN PROME LUSTRO

Comision celebracion 18 di Maart, dia di Himno y Bandera, den nomber di Gobierno di Aruba, tin e honor di invita e Pueblo di Aruba pa celebra nos dia Nacional, 18 di Maart, dia di Himno y Bandera, na un manera grandioso. Tur hende ta worde suplica pa hisa bandera na cas.

Diaranzon awor, 18 di Maart pa 9'or di mainta lo tuma lugar un aubade, dilanti Bestuurskantoor na Playa, sigui pa "Baile di Sintá", bow direccion di Sr. Mimi Kock, tambe dilanti Bestuurskantoor. Lo tin bus saliendo for di tur schoolnan aki na Aruba y mayornan cu por yuda cu transportacion di nan yiu- nan ta keda cordialmente suplica pa hasi esaki.

Entre 10.30'or di mainta y 12'or di merdia miembronan di Gobierno di Aruba, lo ofrece diferente kransnan na estatuanan y na tumbanan di personanan, kendenan a contribui na desaroyo economico y estatal y tambe na Himno y Bandera di Aruba.

Anochi lo tuma lugar na Juancho Irausquin Plein un tremendo manifestacion. Entre 7.30'or y 8.15'or di anochi lo bai tin animacion di e popular banda musical "Los Condes". Pa exactamente 8.30'or di anochi e ceremonia oficial lo cuminsa, cu actuacion di e coro di Sra. Maybeline A. Croes, Tipico Caribe, grupo di baile Simadanza, grupo di baile Oro Ubao y como atraccion especial actuacion di nos gran artista Nydia Ecury, presentando diferente shownan nobo. Busnan lo pasa den tur districtonan di Aruba.

Un y Tur asisti sin falta na e AUBADE y e MANIFESTACION ariba 18 DI MAART venidero.

PABIEN PUEBLO DI ARUBA CU E PROME LUSTRO DI NOS HIMNO Y BANDERA

Sector Comercial di Corsow ta Admiti: Corsow Mester di Aruba Pa Sobrevivi!

Porfin e macaco a sali for di e manga! E nota cu e Camara di Comercio y e Asociacion di Industria y Comercio di Corsow recientemente a manda pa e eilandsraad di e isla ey a papia idioma masha cla: Corsow no por sobrevivi sin Aruba!

E mensahe di e sector industrial cual a ser publica den un diario ariba 9 di Februari ultimo, ta recomenda na e politiconan di Corsow pa no sigui permiti Aruba saca probecho politico sin obliga, (lesa e palabra bon: obliga), Aruba di mara su mes na forman di cooperacion den futuro.

Ademas, e comerciantenan di Corsow ta menciona den nan mensahe cu nan ta prefera pa e forma di cooperacion entre Aruba y Corsow ta ariba un base estatal y no in-

dustrial.

Antes di sigui elabora ariba e otro puntonan cu e sector comercial y industrial Curazaleño ta trece padilanti di nan informe, ta mas cu husto pa demostra akinan e

tribilidad di e autornan di e mensahe. No ta pasobra nos isla Aruba ta hinca den un federacion Anillano, ta duna e comerciantenan di Corsow e derecho pa entremete abiertamente den asuntonan Arubano. Aruba ta di Arubianonan y cualquier intento pa parti di cualquier instancia pa mara Aruba den un constelacion cu e no ta desea, ta

demostra falta di respet pa e pueblo Arubiano y tendencia pa domina nos pueblo.

E camara di Comercio di Corsow, den su mensahe, ta bai asina leuw di admiti abiertamente cu no ta na beneficio di Corsow pa Antillas worde decentraliza. Segun e sector comercial di Corsow, decentralisacion lo trece problemanan financiero y economico pa Corsow, manera por ehemplo, problema y perdida di mercado. Ademas, e nota di e comerciantenan di Corsow ta remarca cu e informe di Comision di Reino no ta contene garantianan pa trafico liber di hende, mercancia,



**Panaderia
Del
Pueblo**



PA TUR CLASE DI
PAN Y BOLO DI CALIDAD
ACUDI SEMPER NA
Guyabastraat 4
Dakota - Tel. 21915

SEIKO

For Her. For Him.
For very good reasons.



f1 261,-	f1 336,-
\$ 146,-	\$ 188,-



SPRITZER + FUHRMANN
THE JEWELERS OF THE CARIBBEAN
ARUBA · BONAIRE · CURAÇAO · ST. MAARTEN · NEW YORK

servicio, capital entre islanan den un Antillas descentralisa. Mester trata di evita proteccionismo, asina e capitalistanan di Corsow ta remarca.

Mas claro no canta un gallo! E palabranan di e comerciantenan Curazoleño, pues ta trece padilanti claramente cu e interesnan politico di Aruba no ta cuadra cu e interesnan comercial di Corsow. Esaki por ta bien posible, pero Aruba no por sigui sacrifica su desarrollo politico y economico pasobra Corsow no kier pasobra descentralisacion no ta benefisia Corsow. Aruba no ta mama di Corsow y si Corsow ta sintiele perhudica den e henter asunto di descentralisacion y independencia di Aruba, anto Corsow mester bai na porta di hulanda y laga Aruba keto.

Den nan recomendacion pa e Eilandsraad di Corsow, e comerciantenan di e isla ey ta remarca pa trata na calma y rek e urgencia di Aruba den e asunto di descentralisacion y ta puntra nan mes cuanto concesion Corsow ta dispuesto pa duna Aruba pa sigui mantene un forma solido di cooperacion.


Esaki ta colmo de los colmos! Na prome lugar, e comerciantenan di Corsow mester sa bon cla cu Aruba no a pidi y no ta interesa tampoco den ningun clase di concesion di Corsow. Aruba ta exige unicamente su parti di tur e posesionan cu ta di Gobierno Central actualmente, nada mas, nada menos.

No ta nada straño cu Cor-

sow no kier laga Aruba bai ariba su mes, pasobra e isla cu ta gaba cu e ta esun di mas grandi no por sigui mantene e mesun nivel di bida sin Aruba. Ta hopi contribucionnan material Aruba ta duna Corsow den e constelacion Antillano actual, manera, po ehemplo mercado pa productonan inferior Curazoleño, placa di belasting Arubano y divisas (dollar Mericano)! Tur esakinan Corsow lo perde, y hopi mas, despues cu Aruba bira independiente.

Pues, manera e sector priva di Corsow mes ta admiti Aruba ta baca di lechi di Corsow. Y awor cu tin e probabilidad di petroleo den lamarnan di Aruba, ta mas duro Corsow kier sigui mantene su garra ariba Aruba. E hecho aki a manifesta su mes ora cu despues cu e negociacionnan entre Aruba y Gobierno Central a keda cla pa traspaso di e derechonan di exploracion di petroleo pa e isla di Aruba, promer ministro Don Martina na ultimo momento a nenga di firma e protocol di acuerdo. Te cu su salida pa Hulanda ariba 13 di Februari ultimo pa asisti na e conferencia di Mesa Redonda, Sr. Martina no a firma e protocol.

Un otro politico Curazoleño cu a declara abiertamente cu Aruba no por sali for di e constelacion Antillano ta Petrus v/d Veen di partido Democraat. Ela bisa esaki den un



E CORANT PA TUR DIA



E corant cu diariamente ta ofrecebo:

- *ACTUALIDAD DI TUR ISLA ANTILLANO
- *NOTICIA MAS IMPORTANTE MUNDIAL
- *DEPORTE LOCAL E INTERNACIONAL
- *COMENTARIONAN
- *ENTREVISTA Y REPORTAHE
- *PROGRAMA DI RADIO Y TELEVISION

Yama 24333
y abona
awe mes ariba

AMIGOE DI ARUBA

TOP JEANS

TA FELICITA NOS PUEBLO Y NOS GOBIERNO
CU 18 DI MAART DIA DI HIMNO Y BANDERA



MOISES DE MARCHENA & SONS tel: 21440

programa di television na Corsow cu e siguiente palabranan: "Aruba no por dicidi mañan cu e ta sali for di e constelacion Antillano aki. E no por sali con cu ta."

Tur e esfuertonan cu e comerciantenan y e politiconan di Corsow ta haciendo pa sigui mara Aruba den un union estatal, ta demostra nan falta di respet pa e derecho di autodeterminacion di e pueblo Arubano. Ademas, nan ta duna di conoce tambe cu nan accionnan cu Corsow mester ta di e fuentenan di placa di Aruba, esta e pagadornan di belasting y consumidornan Arubano. Awor cu tin e probabilidad pa descubri petroleo den e lamar territorial di Aruba, ta mas duro Corsow kjer colga ariba e custia di e pueblo Arubano.

Ta keda awor na e delegacion Arubano na e conferencia di Mesa Redonda na Hulanda pa logra convence e otro islanan di Antillas cu Aruba ta exigi su derecho di autodeterminacion y cu e otro islanan no por entremete den e asunto aki netamente di e pueblo Arubano. E politiconan di Hulanda y di corsow kendenan ta grita tur ora di "rechtstaat" y rechtszekerheid.. mester comproba awor loke nan ta proclama y reconoce e rechtszekerheid" pa e pueblo Arubano. Esaki ta nifica cu Corsow y Hulanda lo mester garantiza e seguridad legal di e derecho di e pueblo Arubano pa determina su propio futuro estatal.

Realisando na ultimo momento e gran peligro pa Corsow si Aruba mester bira independiente, promer ministro Don Martina na su yegada na Hulanda pa asisti na e conferencia di Mesa Redonda, a corre pidi ministro v/d Stee pa postpone e segundo conferencia cu ta programa pa April proximo. Su argumentonan ta cu e pueblo di Corsow no a ser suficientemente informa tocante e desarollonan estatal y cu e tin miedo pa un disturbio social na Corsow causa pa e sindicatonan si acaso mester tuma lugar cambionan drastico ariba terreno estatal. E motibonan aki, lastimamente, ta aplica na Corsow unicamente y no por bin stroba e lucha di Aruba. Segun e promer Ministro, Corsow mester di hopi mas tempo pa informa tur e granionan den e comunidad Curazoleño encuanto e conferencia di Mesa Redonda.

E conclusion general cu por ser saca for di tur e desarollonan di ultimo temponan ariba e isla di Corsow, ta cu tur sectornan ariba e isla ey ta contra decentralisacion di Gobierno Central y corda mes pa Aruba bira independiente! Tanto e comerciantenan, como e sindicatonan y politiconan di Corsow ta abiertamente contra pa Aruba los for di Antillas Hulandes pasobra Aruba ta e mina di oro

Dewar's "White Label" esun cu nunca ta varia



PA TUR CELEBRACION

"White Label"

ta esun mas gusta!

Agente:

WINKEL'S HANDEL MAATSCHAPPIJ N.V.

Wilhelminastraat 74

Tel. 1431, 1854

y posiblemente tambe di oro preto!

Den e dianan aki cu e articulo aki ta ser skirbi mientras e conferencia di Mesa Redonda ta den progreso na Hulanda, tur oranan

y atencionnan na Antillas, y especialmente na Aruba, ta ariba e noticianan cu ta drenta for di Hulanda. Si e delegacion Arubano no regresa cu algo concreto pa cu de-

centralisacion y independencia di Aruba, anto mester ser conclui cu e conferencia di Mesa Redonda a resulta un fracaso pa Aruba y un triunfo pa e otro islanan.

HIPNOSIS

REGRESIVO (un biahe na pasado)

Bao trance hipnotico, cada biaha ta hiba e suheto mas den pasado.. E asolecencia, e promer tempo di infancia, e bida fatal. For di cayan caba e bida anteriornan ta cuminsa y nos ta descubri con nan ta afecta nos bida presente.

Den oficina di un hipnotista profesional tabatin un muher papa so do y su cara tabata trek mescos cu hende cu tin hopi dolor. E escena aki a tuma lugar na aña 1980 pero e muher cu tabata bolter asina y ta worde kima bibo bao acusacion di bruheria, na aña 1520. E escena aki cu ta pone cabez rijz di un persona cu no sa nada di hipnosis regresivo, ta worde ripiti diariamente den oficina y consultorionan unda e ta worde efectua. E metodo ta consisti den hipnotisa e persona y hiba den su cabes cu e ta encontra su mes na e momentonan ey den un etapa di su bida hopi anterior di su bida actual. E sugerencia ta worde ripiti cada biaha pa asina etapanan progresivo, e persona ta worde hiba na su promer anjanan di hubentud, na su adolescencia su infancia y finalmente na su estado fatal. For di e punto ey, continua cu e regresion



ta nifica hiba e suheto te promer cu su nacemento y akinan ta cuminsa un di e experencianan mas increibel y fantastico cu un hende por imagina. Te cu e momento aki e hipnosis regresivo ta constitui e evidencia cientifico mas poderoso di cual partidarioman di reencarnacion

ta dispone pa demostra nan teoria. Den diferente epocanan tin cosnan conoci di personanan especialmente muchanan, cu a afirma cu nan ta otro persona, cu nombenan diferente, y hopi di e detayenan cu nan a duna a worde verifca precisamente. Pa un teoria worde acepta

o al menos considera door di un mayoria grandi di cientificonan, ta necesario cu bo por demonstra den forma controla v bao condicionnan di laboratorio. E hipnosis regresivo ta permiti haci esaki. Si bo ta un persona autoritario cu no ta soportá cu un hende ta bai contra di bo ordenan, y bo a trata hopi biaha sin éxito pa kita for di e impulso ey, ta posibel cu den un bida anterior bo tabata un hefe militar of un persona cu tabata costumbra cu poder. Tambien caso por ta tambe totalmente opuesto; cu anteriormente bo a conoce esclavidad of miseria y un rencor subconsciente ta pone bo tuma venganza den e existencia aki, di humillacionnan y amarguranan den pasado. Y ta solamente e hipnosis regresivo ta permiti haya sa e ultimo aki. Hopi siquiátranan a cuminsa considera durante ultimo anjanan aki e hipnosis regresivo como un alternativa den e casonan di fobia of obsesionnan sin causa aparente. Den trance hipnosis e patientnan ta revela cosnan insospecha cu a pasa den un pasado lejano y ta net e hechonan ignora aki ta motiva condicionnan actual. Contrario na farsantenan cu ta ofrece clientenan pa revela a cambio di un cierto suma e identidad cu nan tabata posee den bidadnan anterior, e metodo hipnotico regresivo ta completamente objetivo. Un cantidad grandi di personan cu a worde sometí na e experiencia aki, a manifesta nan mes como ladron, prostituta, asesino of limosnero den encarnacionan anterior, locual ta un contraste enorme cu e "revelacionan" di e mercaderonan di ocultismo pa kendenan semper e clientenan tabata rey reina of personanan hopi importante. Un caso interesante esun di Xavier un hoben brasileño di 24 anja cu tabata odia pisca. E waak e pisca so su stoma ta cuminsa bira. E holo di e pisca tabata hacie malo y hasta tempo e tabata mucha e mester a wordo trans-


Tip Top Agencies

* PABIEN GOBIERNO

* PABIEN PUEBLO DI ARUBA

PABIEN-ARIBA DIA 18 DI MAART

PROME LUSTRO DI NOS HIMNO Y BANDERA



porta urgente pa hospital, ora cu un tayo di pisca a cause un reaccion hopi fuerte. Dokternan a constata un alergia pa e cuminda aki aunke nan no por a haya e causa organico pa esaki. Un di e facultativonan, cu tabata siquiátrata tambe a sospecha cu e causa berdadero por ta di origen mental; pero e hoben no a experimenta durante su bida algun experiencia traumático den cual pisca a hunga un papel importante. Sometí na hipnosis regresivo Xavier a resulta di tabata un limosnero den su bida anterior.

Casi morto di hamber e tabata pasa recoge cumindanan cu donjo di un pension a tira den bari banda di su lugar. Ora ela come e pisca pura, un weso grandi a keda pega den su garganta, y ela muri na un manera terribel. Investigadornan di ocultismo ta bai mas alew ainda cu dokternan y a afirma cu den hopi casonan e sufrimentonan actual di

e hopi enfermonan tin nan causa den cosnan cu a pasa den nan bida anterior. Un homber cu tabata sufri masha di dolo di cabes a muri an-

teriormente door di un clabo den su cabes. Un muher cu tabata sufrí di cancer na higrá tabata un solda cu a muri den guerra door cu un spada a hinkele den su higrá. Pa esnan cu ta admiti reencarnacion como unico splicacion logico y husto pa e desigualdadnan di bida e regresion hipnotico ta e prueba cu tabata falta pa demostra e validez di e teoria aki. Durante cu siglonan ta pasa, e almanan ta cambia di curpa y ta interrelacionan na mes den diferente forma. Por ta cu nos tata actual tabata nos ruman den un bida anterior. Hopi peliculanan, novelanan y articulonan a worde skirbi tocante hipnosis regresivo, però e realidad ta supera e ficcion.

Waak un hende cu nos conoce bon, cambia su maneranan hasta su idioma y narra e diferente papelnan cu ala representa den e drama di bida ta algo cu ta duna bo ril y

cu ta bisa e hende cu e no ta su carra ni su curpa, però algo mas valioso un alma inmortal cu ta avansa door eternidad na perfeccion.



Croes Transport




PABIEN PUEBLO DI ARUBA
ARIBA 18 DI MAART
DIA NACIONAL DI
NOS HIMNO Y BANDERA

Celsiusstraat 35 — Tel: 23644



SANDRA BEAUTY CENTER



Specialistanan den tratamento di
bo cutis

Santa Cruz 38 – Telefoon 28233


“EFE” HEAVY EQUIPMENT

Santa Cruz 38

Telefon 28233 - 28041

PA TUR TRABAONAN DI EQUIPONAN PISA

PABIEN PUEBLO DI ARUBA DIA 18 DI MAART – DIA NACIONAL DI NOS HIMNO Y BANDERA



SCHOENEN

in de

mode

met

Hartog's
SCHOENEN

NASSAUSTRAT 99

CARNAVAL DI ARUBA
SI TA CARNAVAL



Mai Store

PABIEN

PUEBLO DI ARUBA

18 MAART

DIA DI HIMNO Y BANDERA



Tel: 22152 – Emanstraat 57

arubus

COMPANY


FELICITACION ARIBA 18 DI MAART

DIA DI HIMNO Y BANDERA

ARUBUS LO COOPERA CU

E TRANSPORTACION PUBLICO

PA E OCASION AKI



CARNAVAL DI ARUBA



Pabien

PUEBLO DI ARUBA CU E DI 5 ANIVERSARIO

DI E CELEBRACION NACIONAL DI

HIMNO Y BANDERA

Compra Ltd.

Amistad

UN BISTA FOTOGRAFICO RIBA MUNDO

fotonan: algemeen nederlands persbureau

INTERNACIONAL



JOHANNESBURG — E Argentino Carlos Reutemann a ricibi e premio Grandi di Sur-Africa Formula-1. E premio aki no ta conta pa e campeonato mundial.



LONDEN — Miss Piggy ta encabesa e fila aki di landadornan bunita cu ta na Londen pa filmacion di e pelicula nobo di Muppet "The Great Muppet Caper".



DEN HAAG — E Premier Britanico, Sra. margaret Thatcher, a worde ricibi na Paleis Lange Voorhout door di Reina Beatrix; durante un bishita cortico na Hulanda.



LONDEN — E corte Britanico a anuncia e compromiso di Prins Charles y Lady Diana Spencer. E prins y su comprometida di 19 anja lo contrae matrimonio na Juli.

G.A.S.A.

General Air & Sea Agency

- CONTAINER HAULAGE
- CUSTOM BROKER
- HEAVY & LIGHT TRANSPORT

Zuidstraat 6
Tel: 24625 (2 lines)

PABIEN PUEBLO DI ARUBA
DIA 18 MAART
DIA NACIONAL DI NOS
HIMNO Y BANDERA

TEL: 25542


Tropical Pestcontrol



18 MAART 1981 – DIA NACIONAL DI NOS

HIMNO DI ARUBA

PABIEN PUEBLO DI ARUBA




KLOREN VliegVeld, ZURICH – E periodista free-lance Americano di 49 anja Cinthia Dwyer, kende a keda nuebe luna preso na Iran acusa di espionahe, na vliegVeld na Zurich rumbo pa New York. Segun ela bisa periodistanan, e ta sintiele hopi bon.



LAS VEGAS – Durante un candela grandi den Hilton Hotel na Las Vegas 5 hende a perde nan bida y 70 a keda herida. Aki nos ta mira e hotel, mientras vlamnan grandi ta sali for di e dak.

TIEL – Na un negoshi di carni na Tiel, un freude di carni di ma of menos 1 1/2 miyon florin a worde descubri. E negoshi no a tene su mes na e regla cu E.E.G. a pone, esta cu carni barata cu ta bin pafu di E.E.G. solamente mag worde usa pa cuminda conserva.



CARTANAN RICIBÍ



E FORMA DI SKIRBI PAPIAMENTO DEN E CARTANAN' NO TA NECESARIAMENTE ESUN DI REDACCION.

P.O. Box 611

Aruba, 3-2-81

Respetable señor director,
Hopi saludo i permiti mi persona pa mi por deshoga mi sentimentonan. Mi ta un señora casa, mama di joi, perteneciendo na un famia cu ta wordu considera como high society.

Mi a casa bastante hoben, pero no cu e mucha homber cu mi a stima, pero cu un cu mi mayornan a stima pami.

Nos no tabata mag di habri wowo ariba ningun otro mucha homber, pero ta nos mayornan mester dicidi pa nos i pesey mes tin varios di nos cu no a casa nunca. Tur dia ora mi wak "Los ricos tambien Lloran", mi tambe ta llora, no pasobra e novela ta tuma lugar den un forma masha normal i e actuacion ta bonita, pero pasobra mi ta pensa ariba mi propio persona. Mi bida ta duro, jen di sufrimento o dolor i tur dia mi mester hasi mi mes contento, pasobra mi no sa cu ken mi keha mi sufrimento.

Hopi hende ta zundra mi cu mi no ta tene mi culpa i cu mi no ta bai ningun caminda, pero pa ken, pa un homber cu mi no ta stima i cu mi no kier sali cune ningun caminda.

Pa cara di mi joeinan i mi familia mi ta tene mi mes duro i mi no ta pone berguensa na nan cara.

Lo mi lanta mi joeinan den un otro ambiente, apesar cu mi mester tene cuenta atrobe cu familia, pero mi ta laga nan mes escohe e mucha homber i mucha mujer cu nan ta desea.

E novela "Los ricos tambien Lloran", ta un bida real di un familia rico o cu ta sinti nan mes asina.

Mi ta contento cu Dios Gracias cu esaki a cambia hopi aki na Aruba i cu e pueblo ta mirando esaki di otro manera. Un biaha mas danki.

Un señora cu ta sufrí scondi.

Mi amiga,

Apesar cu bo no a pidi conseho, pero tog ta bon pa duna bo razon di loke bo ta scirbi cu un hende, sea homber o muher tin e pleno derecho pa escohe e pareha cu ta haya combenible.

Ta e ta esun cu mester biba henter su bida largo cune.

Mi ta spera cu enberdad lo bo duna bo yiunan e libertad pa nan mes escohe.

Oranjestad, 22-2-81

Respetable Sr.,

Masha hopi danki pe espacio i mi ta spera cu menter ta gozando di un perfecto salud.

Mi ta un homber casa, ja pa basta anjanan caba, pero no cu e mujer cu mi ta stima, pero mi a haña mi obliga pa a casa cune.

Mi tabata stima e otro mucha muher masha hopi, pero ela bai casa cu un otro mucha homber, pa puro capricho, pasobra mi a saca e mucha mujer, esta mi actual señora, na estado.

Ora cu mi a mira cu enberdad e no ta perdona mi cu ela casa lagami mi a casa cu mi actual señora.

Ela bai biba afo di Aruba i nos no a mira otro mas, te cu awor ela bin pa carnaval i manera menter sa awor a para bira cu durante carnaval tur hende ta pa nan cuenta.

Asina manera un sorpresa durante un fiesta di Carnaval mi a cana topa cune i nos tur dos a reconoce otro inmediatamente.

Mi a bin tende cu ela divorcia, pero cu ta cu vakantie ela bin i cu e ta bai bek. Nos a pasa dianan masha bon mes cu otro i mi ta sinti i trouwens e tambe cu ainda nos ta stima otro i nos ta kere mas cu nunca.

Mi señora sa masha bon cu ta pa e joi mi a casa cune, pero cu mi no ta stime, pero e no kier tende absolutamente di divorcio.

E ta prefera, sabiendo cu mi ta pompe, cu mi ta sali mi so, pero e ta gusta e bida

aki. Awor nos joi tin apenas 4 anja, pero mi no sa kiko lo para di dje ora e bira mas grandi i mira un bida tristo asina. Mi tin gana di bai biba na Hulanda serca e otro mujer, pero sin divorcio mi no por haci nada. Un biaha mas masha danki pe conseho.

M.B.

Mi amigo,

E bida cu bo ta hibando actualmente no ta bida pa un tata di famia, un homber responsabel pa guia un bon famia.

Pesei no kore casa nunca pa capricho y tambe ta bon pa ora bo tin relacion sexual cu bo por carga e consecuencianan tambe si algo pasa.

Ta tristo cu bo senjora ta prefera un bida asina, sabiendo cu ta sufrimento so tin. Papi cune y convence, sin brutalidad, e necesidad pa un divorcio, na unda boso tur dos lo bira feliz.

Aruba, 3-1-81

Respetable director,

Ja ta for di tempo caba cu mi ta desea di haña un conseho serca menter director. Mi ta un homber di mas o menos, mi no ta bisa e edad exacto, di 48 año, casa cu un mujer di e mes un edad.

Nos tin basta joeinan grandi i tur ta casa, cu excepcion di un joi mujer chikito, cu a nace hopi despues.

Mi señora tabata masha bon, pero den e ulimo añanan ela cambia bastante. A bira cu e ta keha pa tur cos i e ta sinti tur enfermedad.

Tur cos e ta sinti, dolor paki dolor paja, tur dia mi ta tende mes un cancionnan. E tin mi bida fastioso cu su kehamento i tin ora mi no tin gana di bin cas mes. Mi ta un homber cu no ta bebe, pero awor si mi ta riba caja, pa mi no pasa den e fastiosidad di mi señora.

E ta zundra, pasobra mi ta jega cas lat o

pasobra mi no ta papia cune, puntra mi mes na unda lo e sinti dolor awor. Mi joeinan tambe a cuminsa aleha un poco for di dje i mi ta kere cu mi tin basta placa gasta cu dokter caba. Ora dokter bise cu e no ta sinti nada e ta zundra e dokter cu e no ta sirbi. Mi no sa kiko mas hasi.

P.F.

Mi amigo,
Mihor cos bo hasi ta hibe un psychia-
ter, un dokter cu por trata su nervio-
nan, pasobra aki ta trata di un enfer-
medad mental.

Bonaire, 11-2-81

Apreciable director,
Mi ta un homber casa i mi tin 25 aña di
edad. Nos ta dos ruman i ami ta esun mas
bieuw.
Mi a costumbra haña tur cos i di drumi i
hasi tur cos mi so.
Apenas mi tin algun luna casa, pero te
awor mi no por costumbra cu mi señora.
Mi ta sinti mi fastioso cu den tur cos mi
tin cu tene cuenta, esta na ora di come,
sali, drumi, etc. etc.
Mi tabata costumbra sali, drumi i come
ora me da la gana.
Mi no sa nunca cu hende mujer ta asina
difícil. Meneer ta kere, pasobra nunca mi
mayornan a bisa mi o splica, cu ta ami ta
fout of mi señora?
Saludos,

Atentamente,
B.M.

Mi amigo,
Den tur sentido bo ta fout y aki bo ma-
yornan ta hopi fout tambe, pasobra
nan mester a sinja bo disciplina di cas y
di bida, un bida decente.
Ora bo casa bo ta uni bo mes den tur
palabra, bo no ta bo so mas, pero boso
ta dos y un mester tene cuenta cu otro.
Bida matrimonial no ta facil, pero si bo
ta prepara pe bo ta e homber o miho
bisa e pareha di mas feliz na mundo.
Mi no sa cu na Bonaire tin curso matri-
monial, pero aki na Aruba si, na unda
parehanan ta worde prepara den tur
sentido di palabra.

Aruba, 12-1-81.

Muy apreciable director,
Permitimi un espacio den e revista

30



mas stima di nos isla pa mi por haya un
conseho.

Mi ta un señora casa, mama di varios
joeinan. Prome cu mi a casa mi tabata
tin varios mucha hombernan i despues cu
mi a casa mi a keda mes un cajente.
Un cos mi por bisa cu mi joeinan sigur ta
di mi esposo.

Mi a jega di stima, pero mi a lubida tambe
lihe, asina pues cu mi no a stima nunca.
Mi esposo, mi a casa cune, pasobra nos a
comete un equivocacion, cu nos mester
a casa.

Despues di a casa nos a pasa algun tem-
po bon cu otro i aña a pasa. Manera mi a
bisa mi tabata tin despues di casamento
tambe algun mucha hombernan, pero no
cu mi a stima.

Despues mi a bin costumbra masha hopi
cu un ruman homber di mi esposo i mi a
bin na stime masha hopi mes, prome sim-
plemente como un ruman, pero despues
nos a bai mucho mas leuw.

Pa bisa berdad, e ta e unico homber cu mi
a stima den mi bida o e ta esun cu mi a
siña tur mi experiencianan.

Awor ta sosocé cu e tin un mucha mujer
i segun mi e tabata tine hopi tempo caba.
Mi a tende cu nan ta bai casa.

Mi no sa kiko mi hasi pa evita esaki, paso-
bra mi ta stime hopi i mi no por sine.
Señor mi sa kiko señor lo consejame, pero

kiko mi hasi?
Un biaha mas danki.

S.C.

Mi amiga,
Ta bon bo sa kiko lo mi conseha bo y ta
bon enberdad pa bo lague busca su feli-
cidad.
Bo mes mester sinti cu bo a abusa di su
confiansa y di su amor tierno y honesto
di ser un bon ruman.
Trata lo mas tanto posibel pa bo lubide,
pasobra pa cada problema tin un solu-
cion.

29-1-81

Respetable meneer,
Permiti mi un espacio den bo revista
comenta i gusta pa tur mucha di mi
scool.

Mi ta un mucha homber di 14 aña,
baiendo school, pero mi sa cu mi ta co-
metiendo un fout cu por perhudica mi.
Nunca antes mi tabata tin relacion sexual,
pero den un di e dianan sigur, esaki lo
bira e caso.

Mi ta costumbra enormemente den re-
vistanan di sex i den scondi mi ta wak
nan tanto na school como na cas.
Anochi, den dia i tur ora e pensa-
mentonan aki ta domina mi.
Mi ta gusta nan i mi ta desea cu pron-
to e dia jega pa mi tambe por hasi mes-
cos.

Duna mi un consejo por favor.

L.P.

Mi amigo,
Trata pa domina bo mes lo mas tanto
posibel.
Hasi deporte, busca un hobby, wak pa
semper bo ta den compania.
Mi ta kere si bo busca algo util pa hasi
cu esaki lo yuda bo hopi.
Esaki ta bin door cu e hubentud di awor
ta busca masha poco cos pa hasi, den ora
liber y ta pensa solamente ariba maldad.
Si bo hasi algo durante dia, anochi bo ta
bon cansa y bo ta haya masha poco tem-
po pa pensa malo.
Segura bo futuro y pensa ariba bo estu-
dio.
Sex ta bon, pero no na edad hoben y
corda cu estudio ta importante.



LAGO OIL AND TRANSPORT COMPANY, LTD.



PABIEN NA
NOS REINANAN DI
CARNAVAL 1981

Srta. MARJORIE FLEMMING
Reina Juvenil

y

CONNIE IRAUSQUIN
Reina Grandi



LAGO SEMPER LO SIGUI
COOPERA NA E DESAROYO
DI NOS CULTURA

PABIEN!



Connie

Irausquin

REINA CARNAVAL

1981

CLUB SCARAMOUCHE

AMISTAD CATERING



Si pueblo di Aruba "AMISTAD CATERING SERVICE" ta yuda

haci bo fiesta sea di:

- CUMPLEAÑOS
- MATRIMONIO,
- DESPEDIDAS,
- ANNIVERSARIOS,
- SURPRISE-PARTY'S etc.

un tremendo exito.

Nos servicio ta estilo buffet y ta decora cu e color cu bo ta desea.

PABIEN

**Pueblo di Aruba cu
prome lustro di
HIMNO Y BANDERA**

Nos tin un surtido grandi di cuminda y snacks na prijs hopi barata, mientras cu nos servicio por ser compara cu cualquier Hotel grandi. Bo ta desea pa bo fiesta bira un exito yama na telefoon 24681 of pasa na Catiri 7, entre 5'or y 8'or di anochi na Telefoon 23450 y puntra pa Ronny Croes.